



Štampani i elektronski mediji

Broj:01/D-01-1-D 1488 5/2015  
Kakanj, 09.12.2015.god.

Saopštenje za javnost

U srijedu 9.12.2015. godine u Rudniku mrkog uglja Kakanj, u Pogonu Haljinići, održana je stručna rasprava o podzemnoj eksploataciji uglja. Rasprava je trebala dati odgovore na nekoliko ključnih pitanja bitnih za razvoj otkopavanja uglja, a na osnovu kojih će se raditi kratkoročni, srednjoročni i dugoročni planovi. Izrada ovih planova zakonska je obaveza u rudarstvu.

Uvodne riječi i ciljeve rasprave na početku je saopštio vršilac dužnosti direktora Rudnika Kakanj Kasim Alajbegović. Opis trenutnog stanja i moguće pravce razvoja buduće eksploatacije, što je poslužilo kao osnova za iznošenje stručnih mišljenja, saopštio je izvršni direktor za proizvodnju u kakanjskom rudniku, Muhamed Plasto.

Većina učesnika ove rasprave, bili su rudarski inženjeri, koji u Rudniku obavljaju različite poslove u struci, počevši od smjenskih inženjera, upravnika pogona i njihovih zamjenika, pa do iskusnih glavnih inženjera koji rade u operativi i razvoju, odnosno planiranju i projektovanju rudarskih objekata i radova. Kao doprinos u razmatranju osnovne teme, gdje se nalazi i kuda treba ići podzemna eksploatacija uglja, govorili su stručnjaci mašinske, geološke i elektro struke.

Mišljenja koja su se danas mogla čuti iznesena su uz stručna usmena elaboriranja sa opisom postojećeg stanja i prijedlozima o nastavku eksploatacije u tri područja. Riječ je o lokalitetima Begići-Bištrani, gdje je planirano širokočelno mehanizovano otkopavanje uglja u prvom otkopnom polju, a koje je za eksploataciju pripremano tokom ove godine. Za drugo i treće otkopno polje potrebna su dodatna istražna bušenja.

Druga dva lokaliteta, koja trebaju biti predmet planiranja i otkopavanja uglja nalaze se u području jame Seoce, u centralnom reviru i u jami Ričica.

Rasprava je vođena, stručno, kolegijalno, u korektnoj razmjeni argumenata, a privedena je kraju zaključkom na osnovu kojeg će vršilac dužnosti direktora Rudnika Kakanj, Kasim Alajbegović, formirati stručni multidisciplinarni tim, sastavljen od rudarskih inženjera, geologa, ekonomista i pravnika, sa zadatkom da izrade dokument u kojem će biti elaborirane sve prednosti i slabosti, danas predloženih varijanti za nastavak i budući razvoj podzemne eksploatacije uglja u Rudniku Kakanj.



V.D. Direktor

mr.sc. Kasim Alajbegović, dipl.ing.maš.



Alije Izetbegovića 17, 72240 Kakanj, BiH  
www.rmukakanj.ba

KABINET DIREKTORA, tel: +387 32 55 36 40; fax: +387 32 55 46 20  
TEHNIČKI SEKTOR, tel: +387 32 55 33 48; fax: +387 32 55 46 57  
KOMERCIJALA, tel/fax: +387 32 55 25 30; tel/fax: +387 32 55 32 81

Reg.broj: MBS 43-01-0538-08 Općinski sud u Zenici  
ID broj: 4218055050007, PDV broj: 218055050007

134020000009427 - Investiciono-komercijalna banka d.d. Zenica  
3389002208041953 - UniCredit Bank d.d. Sarajevo  
1543012000169890 - Intesa Sanpaolo banka d.d. BiH